

**Naalakkersuinikkut arlaannaannulluunniit attuumassuteqanngitsunik siunnersuisoqatigiinnik pilersitsisinnaaneq pillugu UKA2014-imut nassuiaasioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Siunnersuisoqatigiit aatsitassarsiornermi aningaasaliisartut sanngisuussusiat aningaasaliisussarsiornermullu pilersaarutaat pillugit inassuteqaasiortassapput, pilersaarutit aalajangersimasut sanngisuussusiat pillugu paasissutissiisassallutik kiisalu aatsitassarsiornermi pilersaarutit ataasiakkaat siunissaq ungasinnerusiq eqqarsaatigalugu piujuartitsineq tunngavigalugu inuiaqatigiinni ineriartortitsinermik nassataqarnissaat siuarsaaqataaffigissallugu. Tamanna pillugu siunnersuisoqatigiit Naalakkersuisunut innuttaasunullu inassuteqaasiortassapput. Siunnersuisoqatigiit katitigaanerat, akissarsiaat pisinnaatitaanerilu pillugit ilutsit periarfissaasinnaasut nassuiaammi ilanngullugit nalilersorneqassapput.**

(Inatsisartunut ilaasortat Naaja H. Nathanielsen aamma Sara Olsvig, Inuit Ataqatigiit)

### **Akissutit allakkiaq**

(Inuussutissarsiornermut Aatsitassaqaqarnermullu Naalakkersuisoq)

### **Aappassaaneerera**

Siunnersuutip siullermeernissaanut akissutit allakkiaama ilai naammagittaappasissutut pasitsassaarerpasissutullu paasineqarsinnaasimassappat ajuusaarutigaa.

Tamanna siunertarisimangilara.

Naalakkersuinikkut arlaannaannulluunniit attuumassuteqanngitsunik siunnersuisoqatigiinnik pilersitsisoqarsinnaanerani Naalakkersuisut nalunaarusioqqusaanissaat pillugu, aammalu taama ittip pilersinneqarnissaa pillugu aalajangiussisoqannginnera pillugu aalajangiussassatut siunnersuut taamaallaat tunngasuunerani erseqqissaanissaminut ataatsimiititaliaq isumaliutissiissummini tunngaviliivoq.

Naalakkersuinikkut arlaannaannulluunniit attuumassuteqanngitsunik siunnersuisoqatigiinnik pilersitsisoqarsinnaanerani nassuiaasiornissaq pillugu aalajangiussinermut taamaallaat siunnersuutip tunngasuunera Naalakkersuisut tamakkiisumik ilisimavaat. Naalakkersuisut siunnersuummut akerlerinninnerat tassaavoq siunnersuutip akuersissutigineranut attuumassuteqartussatut killup tungaanut anguniagarisatut naleqassutsimut atasoq.

Aningaasaliisartut sanngisuussusiat, aamma aningaaliisussarsiornermut pilersaarutaat pillugit inassuteqaasiortartussanik, aammalu aatsitassarsiornermik suliniutinik piviusunik naliliisartussanik siunnersuisoqatigiiliornermik aalajangiussassatut siunnersuummi nassuiaat immikkut ittumik sammisaqassasoq siunnersuutigineqarpoq. Akissutit allakkianni aalajangiussassatut siunnersuummi pineqartut taakkorpiaat sooq aatsitassarsiornermik inatsisigisatsinni aamma

aqutsisoqarfiup ingerlanneqarnerani tunngavigisaasunut akerliunerat erseqqinnerusumik nassuiaateqarfigaakka.

Taamaattumik aatsitassanik ujaasillunilu atuinermi siunissami aningaasaliinissanut sinaakktissatut piomasqaatinut tunngatillugu siunnersuutip akuersissutiginera nalornisoqalernermik pilersitsissaaq. Ingammik maannakkut, aatsitassarsiornermik suliaqarfiusumut aningaasaliisartunik aggersaaniarnitsinni siunnersuutip akuersissutiginera assut tulluanngitsumik kalerriummik saqqummiussaqaassaaq, taamaattumillu siunnersuutip itigartitsissutiginissaa pillugu ataatsimiititaliami amerlanerussutillit innersuussutigisaannik Naalakkersuisut isumaqataalluinnarput.